

伍

8-10

南安府志補正卷之九

藝文詩

依韻贈南安方處士

唐徐寅

兩鬢當春卻似秋，僻居誇近野僧樓。
落花明月皆臨水，明月不流花自流。

晉楚忙忙起戰塵，龔黃門外有高人。
一畦雲薤三株竹，席上先生未是貧。

大庾驛有懷

蔣吉

一囊書重百餘金，郵吏甯知三計貧。
莫訝偏吟望鄉句，明朝便見嶺南人。

卻赴南邑留別蘇臺知己

劉長卿

又過梅嶺上歲歲北枝寒落日孤舟安青山萬里看猿聲
湘水靜草色洞庭寬已料生涯事惟應把釣竿

南康道中

羅隱

弱冠負文翰此中聽鹿鳴使君延上榻時輩仰前程丹桂
竟多故白雲空有情惟餘路旁淚沾灑向塵纓

文或少卿文山郎中交好深至二紀已餘睽別數年
二子長逝奉使嶺表途次南康弔孫氏之孤於其
家觀文或手書於僧室慷慨悲歌留題此詩

宋

徐鉉

孫家虛座弔諸孤張叟僧房見手書二紀歡游今若此滿
衣零淚欲何如腰間金印從如斗鏡裏霜華已滿梳珍重
遠公應笑我塵心惟此未能除

度梅嶺寄子由

蘇軾

投章獻策莫多談能雪冤忠死亦甘一片丹心天日下數
行清淚嶺雲南光榮歸佩呈佳瑞瘴癘幽居弄晚嵐此後
西風庾梅謝卻迎誰與落穠穠

山林瘴癘老難堪歸去中原茶亦甘有命誰憐終反北無
心卻笑亦巢南蠻音慣習疑僞語脾病縈纏帶嶺嵐賴有
祖師清淨水塵埃一洗落穠穠

戲贈南安倅柳朝散

黃庭堅

柳侯風味晚相見，衣袂頗薰荀令香。
桃李能言妙歌舞，樽前一曲斷人腸。
洞庭歸客有佳句，庾嶺梅花如小棠。
乘興高帆少相待，淮湖秋月要傳觴。

宿真覺寺

朱子

真覺江邊寺，風煙晝畫然。
庭羅合抱柏，門泊釣魚船。
暮雨涼初過，中秋月正圓。
無人來共賞，獨自占江天。

寄陽行先

王奇

松蘿石室中，清隱有名公。
地盡無塵到，天高有穴通。
蘚鋪春徑綠，花照野塘紅。
遙憶深幽處，憑欄興不窮。

送陽王巖應詔

梁盛節

丹山有靈鳳不飛亦不鳴
雍容覽堯德徘徊來舜庭
寂寞梧桐冷嚮絕朝陽明
聖賢不出世出必爲蒼生

復寄玉巖二首

林顏

一童一鹿自相隨不覺山間筍蕨肥
看盡榮枯彈指過燒痕青處認春歸

瞥然飛電炯雙瞳
袒褐長條茹瘦松
白玉巖中無一事爲君題作玉巖翁

送陽玉巖歸鄉

蒲宗孟

收書萬卷日沈酣
鮑謝篇章老更耽
不雜紅塵來海上
卻

隨明月入江南家無四壁堪投足郡有千山可結菴遙想
顓溪風雨夜與誰揮麈共清談

大觀三年戊子三月二十九日請假祀墳和族人升
之詩

陽孝本

連日陰雲拂曉開歡聲九族一時來江山奇秀渾如畫鼓
樂喧闐卻似雷三爵香醪澆故隴滿天春色絕纖埃自慚
菲德叨榮甚八騎初從帝里來

謁南安道源堂

明黃仲昭

乾坤有此三夫子邂逅於斯豈偶然數卷圖書探道妙一
襟風月悟心傳斯文統緒承先聖理窟淵源啟後賢我欲

掘衣挹溫厲德容無計起重泉

謁南安道源堂再用前韻

黃仲昭

聖學湮沈世幾遷先生推闡復昭然
羲前至理探無極軻後斯文賴有傳
星聚奎躔開道化天將文教付名賢
千年隆緒思重續掘井何人已及泉

南安訪同年張東海祠和同年張泰侍御韻

黃仲昭

南安太守知多少誰復如君有此祠
施設總根經史學死生均係吏民思
平生不負曾王志終古難磨叔子悲
遺像儼然猶不死何須更賦擬招詩

南安行臺賦古梅

兩按郡皆過梅關甲寅重臨樹半枯而花猶自若紀二絕

黃仲昭

橫浦行臺有老梅看花今是第三迴浮生莫歎客顏改鐵
幹冰姿亦半摧

鐵幹冰姿亦半摧入門爲爾重徘徊獨憐不改堅貞操依
舊寒花冒雪開

寶積寺

劉節

曲徑重遊地空門欲暮時報晴在佛鼓照水淨花枝塵榻
參禪梵紗籠問舊詩東風爾好事慚我鬢如絲

金蓮使節

劉節

官亭北接帝王州，使者傳宣出鳳樓。
兩度丹書三度節，老臣何以報宸旒。

東山聳翠

劉節

出郭東林翠色多，梵宮矗矗隱巖阿。
當年着屐人何在，花雨樓前一笑歌。

橫浦垂虹

劉節

長樓百尺水流東，日落霞明映彩虹。
題柱仙郎今已老，祇教人誦濟川功。

題芙蓉文筆

陳獻章

文人日暮看芙蓉，章水西來第幾峰。
免穎剝天元屬我，今

爲松菊主人翁

鑿巖分翠

黃通

山色遙連樹色迷一灣流水過前溪
藤蘿地僻山猿笑松檜林深野鳥啼
絕壑雨餘蒼蘚滑層崖天近碧雲低
登臨覽勝無端趣匹馬歸來日已西

玉峰院

劉寅

小院何時闢客子住多年半榻應猶在
雙趺故隱然五龍時布雨片玉欲擎天
更有元珠在無勞砥柱懸

度梅關

戚繼光

溪流百折遶青山短髮秋風夕照間
身入玉門猶是夢復

從天末出梅關

金蓮寺次張東海先生韻

王錫爵

近城古寺可徜徉，百遍禪關叩不妨。
眼底羣峰秋氣爽，塵中何處雨花香。
殘鐘過午遲留客，雙樹當檐好耐霜。
爲憶勝遊東海句，清和更訪舊時堂。

九日登東山漫賦

王錫爵

客有登高興，東山最上頭。
雙城全入畫，萬木未成秋。
目極天邊雁，情親水面鷗。
故鄉渺何處，離落菊開不。

壘遊

何炳

小蘭亭寄石泉西磴，轉龍屏信杖藜。
望裏雲停家壘鬱，憩

邊鶴在古松棲觴流酬酢東風醉句就敲推白日低髣髴
永和今上巳薜崖鐫破翠留題

重過古雲峰寺

羅倫

勿畏雲峰鳥道懸放開幾步到巖前沈潭浪冷龍歸鉢老
樹巢高鶴近天笑傲煙霞新駐錫談傾今古漫安禪與師
靜夜同趺坐境寂心空似月圓

和遊雙鶴巖韻

孫應嶽

真人跨鶴訪元洲贏得巖居接洞樓鐘鼓半空傳籟杳金
珠萬顆迸雲流蒼茫日月超三界收拾乾坤小一邱卻愛
支公樓隱處風塵何事暫淹留

張龍田招集沙谿寺

孫應嶽

不是前朝寺誰分一瓣蓮久無獅子吼
驚破野狐禪花雨迷銀漢寒雲漱玉泉
欲尋槎上月且此間張騫

龜池春漲

吳德基

半畝方池穀雨餘一泓晴碧戲龜魚
柳陰蘸綠開冰鑑桃浪流紅到石渠
疑是桑田變滄海應憐華屋已邱墟
源頭活活清如許雲影天光祇太初

南康道中

王烈

歸路梅關北歸心鰲浦邊路遙頻問驛
步澀只思船冬至將春候南風欲雪天
官梅還識我相對笑華顛

大隱居士詠

國朝 王仁嗣

居士宋時人姓田氏名闢生質秀嶷志慕肥遯爲
堂旭山之上以九經教其子常自種圃開東園數
畝可遊棲焉子瞻學士過嶺有田氏園亭詩爲居
士贈也子三人皆登進士如鼇者官監察御史至
今鄉人猶能道居士之行蓉城前芳惟居士不朽
矣作大隱居士詠

曰唯余邑西江上游馬眠雲古仙開井幽紀其民世鴻濛
未遙宋始文明髦士在朝爰有先生粹然德蘊不愛簪紱
遂稱大隱舒嘯旭嶺晦跡東園有花香徑有柳映門獨憂

鄉士未覲典型家立正學授子九經先生博物曷鮮著述
深德弗露神情俱質匪逃廊廟匪遠巖谷是謂通識敬讚
高躅

再登獨秀峰題壁

王仁嗣

初晴九月碧天澄幾處林泉閒憩會紅葉滿山秋色老白
煙如水曉寒凝仄隨徑轉剎方見尖入雲中峰欲騰走險
鹿麋真是健駕巢鳩鵲最爲能芙蓉開晚因冬閨柏樹栽
成作道朋歎我此來甯似昔蒼然顏貌已同僧

南康道中

龔鼎孳

巾車頻涉水斜日夾江陰近縣青樟合環山亂塔深陣餘

鳴噪屋沙外棘穿林不識春風意穠桃破遠岑

傳說回朝使灘頭絡繹來浮裝真臘舶送喜尉佗臺茅土
恩原重黔黎喘未回年年宣嶺北帆影日邊開

渡雙牌峽

程可則

虔州南上路巘屹忽到雙牌水氣昏帆向夕陽爭古道天
留孤塹峙江門沿洄百折灘聲急明滅千峰樹影繁谷口
忽聞雞犬喚人家疑是武陵源

南安客舍逢陸郡伯兄

世楷

以滕王閣詩見示漫賦

朱彝尊

憶昨君從柘湖至楊舡爭發吳趨市京口相逢借問君樣